

INUIT ATAQATIGIIT

Inatsisartuni



17.december 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apequteqaateqarpunga.

Naalakkersuisunut apequt:

- 1. Nunatta isiginnaartitsisarfiata isiginnaagassiaasa nunatta sinnerata annerpaartaanut anngunneqarsinnaanissaat anguniarlugu Naalakkersuisut qanoq pilersaaruteqarpat? Qanoq iliuuseqarniarpat?**
 - A. Illoqarfiit Nuup avataaniittut isiginnaartitsisartut isiginnaagassiaannik pisisimasut angalanermut aningaasartuutaasa appasinnerpaaffianiinnissaat anguniarlugu Naalakkersuisut qanoq pilersaaruteqarpat? Kommunit – illoqarfiit iluaqutigisinnaasaannik angalanermut tapiissutaasinnaasunik pilersitsissamaarnerpat?**
 - B. Apequt 1.A aappiuppat: Naalakkersuisut naatsersuinerat naapertorlugu nunatta karsianut tamanna qanormita naleqassagalarpa?**
 - C. Siunertaq tamanna anguniarlugu amerlanerusunik nunatta isiginnaartitsisarfianut aningaasaliissuteqartalernissamik Naalakkersuisut pilersaaruteqarnerpat?**

(Inatsisartuni ilaasortaq Peter Olsen, Inuit Ataqatigiit)

Tungavilersuut:

Isiginnaartitsisartut suliarisartagaat qaammarsaanikkut anersaakkullu nukittorsarnitsinnut, ineriartornitsinnullu pingaaruteqartorujussuupput, taamaattumik nunatta isiginnaartitsisarfiata isiginnaagassiaat, isiginnaartitsisartullu allat ataasiakkaat isiginnaagassiatut pilersittagaat nunatsinni innuttaasunit amerlanerpaartaaniit takuneqarsinnaanissaat pingaaruteqartorujussu-uvoq.

Misilittakkalli ullumikkut ajoraluartumik imaapput, illoqarfiit amerlasuut, isiginnaartitsisartut isiginnaagassiaannik pisisinnaaneq ajorput, angalanermut aningaartuutissat ajoraluartumik qaffasippallaarnerat pissutaalluni. Illoqarfiillu ilaat pisisinnaasut ukiumut ataasiaannarlutik isiginnaagassisamik pisisinnaasarpud, naak immaqa ukiumut marloriarlutik pingasoriarlutilluunniit piserusussinnaagaluarlutik, kisiannili tamanna pisinnaaneq ajorpoq, angalanissamut aningaasartuutissat annertuaallaarnerat pissutaalluni. Taamaattariaqanngikkalarpoq.

Illoqarfiit amerlanerpaartaasa isiginnaartitsartut isiginnaagassiaannik pisisinnaasariaqaraluarput angalanermut aningaasartuutissat aporfigivallaarnagit.

Tamanna innuttaasunut pitsaasuunngilaq, minnerunngitsumillu isiginnaartitsartunut pitsaasuunngilaq, taamaattoqarneratigut isiginnaartitsartut aningaasarsitissaraluminnik annaasaqartarmata.

Taamaattumik paaserusunnarpoq Naalakkersuisut tamanna pillugu qanoq iliuseqassamaarnersut.

Qinnutigissavara apeqquteqaatima ullut suliffiusut qulit iluanni akineqarumaartut.